

Leksyon 4

ANG DIOS MAGABULIG SA IMO NGA MAGMAAYO



Tun-i ini nahanurugod sa Dios.

Ang Dios nagatudlo sa Iya mga anak sa pagbuhat sang husto.
Ang kaaway sang Dios nagahimulat nga ang tawo makasala.
Ang sala nagpahamulag kay Adam kag Eva sa Dios.
Ginahigugma gihapon sang Dios yadtong nakasala.
Ang Dios nagatudlo sa Biblia kon ano ang buhaton mo.



Basaha gikan sa Biblia
Basaha sing mabaskog sing 5 beses

Kag nagsogo sa tawo ang Ginoong Dios nga nagasiling, "Makakaon ka sing hilway sang tagsa ka kahoy sang katamnan. Apang gikan sa kahoy sang pagkilala sang maayo kag sang malaut, indi ka magkaon sa iya, kay sa adlaw nga magkaon ka sa iya, mapatay ka nga totoo. Genesis 2:16, 17.

Mabuhat mo bala ini?

Tipoloni ang husto nga sabat, subong sini:

1. Mangin ano ang gusto sang Dios sa iyang mga anak?
maayo malain
2. Ano ang nagpahamulag kay Adam sa Dios?
Gugma sala
3. Ginahigugma pa bala gihapon sang Dios ang mga nakasala,
Huo Indi

Mga Sabat

1. Maayo 2. Sala 3. Huo

Mga Tinaga nga tun-an mo.

Ang sala nagakahulugan sang paglalis sa Dios ukon pagbuhat sang indi husto.

Ang mga sala amo ang mga malain nga ginabuhat.
ukon hambal sang tawo.

Ang YAWA kaaway sang Dios nga nagahimulat nga ang tawo
magpakasala.

SATANAS ang isa pa ka ngalan sang YAWA.

Ang Dios nagatudlo sa Iya nga anak sa pagbuhat sang maayo.

Linyahi ang tanan
nga mga tinaga gikan sa •tubtob sa. •

Si Adam kag Eva nagpuyo sa
himpit nga kalibutan.

Ang tanan nga butang nga ginhimo
sang Dios maayo.

Si Adam kag si Eva maayo.


Ginhimo sila sang Dios nga maayo katulad sa Iya,



• Ginsilingan sang Dios si Adam kag si Eva.
kon ano ang ila buhaton kag ang indi
pagbuhaton. •

Ginsilingan sila sang Dios nga indi magkaon
sing bunga sang isa ka kahoy.
Ginpaandaman Niya sila nga kon ila
kaanon ini sila mapatay.

Ginahigugma sang Dios si Adam kag
si Eva. Buot Niya nga sila magbuhat
sang husto. Indi Siya buot nga
sila mapatay.




Ang kaaway sang Dios nagtinguha nga ang tawo magpakasala.

Ang Dios may kaaway nga ginatawag yawa o Satanás.

Ang Dios nagabulig sa tawo nga magmaayo kag sa pagbuhat sang husto.

Ang yawa nagahimulat nga ang tawo magpakasala.



Isa ka adlaw ang yawa nagkadto sa hardin sang Eden. Gingamit sang yawa ang man-og sa paghambal kay Eva. Ginpakita sang yawa kay Eva ang bunga sang kahoy nga ginsiling sang Dios indi pagkaonon.

Nagbinutig ang yawa kay Eva.

“Kaona ina nga bunga sang kahoy,” siling sang yawa “kag indi ka mapatay. Ikaw mangin maalam katulad sang Dios.”

• Nahibaloan ni Eva nga kinahanglan niya sundon ang Dios. • Apang namati sia sa binutig sang yawa. Nagkaon si Eva sang bunga sang kahoy nga siling sang Dios indi niya pagkaonon. Ginhatagan ni Eva si Adam kag sia nagkaon man. Si Adam kag si Eva nakasala. Pagkatapos may makangilidlis nga butang nga natabo.



Ang sala nagpahamulag kay Adam kag kay Eva sa Dios.

Ginhigugma gid ni Adam kag ni Eva ang Dios, apang karon sila nahadlok na sa Iya.

• Nahibaloan nila nga sila nakabuhat sang sala. •

Nanago sila sa Dios


Nahuya sila tungod sila hublas

Naghimo sila sang bayo nga dahon.

Apang ang mga bayo indi maayo.



Ang Dios sa gihapon nagahigugma sadtong mga nakasala.



• Wala sing isa nga makatago sa Dios. • Nakita sang Dios ang ginbuhat ni Adam kag ni Eva. Apang ginahigugma pa sila sa gihapon sang Dios. Ginhimoan Niya sila sang bayo nga gikan sa panit sang hayop.

Nakighambal ang Dios kay Adam kag kay Eva bangod sang ila sala. Ginsilutan sila sang Dios agud tudlu-an sa pagbuhat sang maayo. Pinahalin sila sa ila matahom nga puluy-an sa Eden. Ang ila sala nagdala sang balati-an kag kamatayon sa kalibutan. Apang ang Dios nagsiling nga sa ila may Manluluwas nga magakari.

Ang Dios nagatudlo sa Biblia kon ano ang buhaton mo.

Ang Dios nagsiling sa imo sang husto kag sala. Nakahimo ka bala sang mga butang nga nahibaloan mo nga sala? • Ang Dios sa gihapon nagahigugma sa imo kag buot buligan ka. • Sugiri ang Dios nga ikaw nagakasubo. Pangayoa sa Dios nga buligan ka. Pagkatapos buhata ang ginasing sang Dios kag ikaw magmalipayon. Pangamuyoa ini bag-o ka matulog.

Pangamuyo:

Ginakasubo ko Dios sa tanan nga tion nga ako nakabuhat sang sala sa baylo sang husto. Palihog buligi ako sa pagbuhat sang ginasing mo. Kag tatapa ako sa sini nga gab-i.



Karon sulati ang imo Rekord sang Estudyante sa Leksyon 4.






INTERNATIONAL CORRESPONDENCE INSTITUTE
PHIL. NATIONAL OFFICE, P.O. BOX 1084, MANILA





**ANG DIOS
MAGABULIG SA IMO
NGA MAGMAAYO**




KALINGAWAN PARA SA IMO.





Basaha ang mga tinaga paagi sa laragway.

Sa wala may mga laragway. Ang tagsa ka laragway nagasalili sang isa ka letra. Isulat sa too ang letra nga katumbas sang tagsa ka laragway.

A 	M 
D 	N 
E 	B 

- 




- 



- 




Isulat sing maathag.

Ngalan

Puluy-an

Petsa sang pagpadala



Maghimo sang linya halin sa tinaga sa wala pakadto sa husto nga kasugpon nga dinalan subong sini:

- | | | | |
|----------------------|---|---|--|
| 1. Si Adan | • | • | Ano ang malain nga hambal ukon buhat sang tawo |
| 2. Si Satanas | • | • | Namati sa man-og kag nakasala |
| 3. Si Eva | • | • | Ano ang una nga lalaki |
| 4. Ang Dios | • | • | Nagatinguha nga ikaw makasala |
| 5. Ang mga kasalanan | • | • | Nagasugid sang imo buhaton sa Biblia |

Linyahi ang imo sabat.

6. Nasilutan ka bala sang imo ginikanan sa pagbuhat mo sing indi husto?

Huo indi

7. Nga-a ila ka ginsilutan?

agud tudlu-an ka magbuhat sing maayo agud sakiton ka

8. Ipaathag mo kon nga-a ginasilutan sang Dios ang tawo kon

siya makasala

.....

.....

.....

.....

Grado

Ang imo eksamin pagagradohan kag ibalik sa imo upod sang masunod nga tulun-an. Malipay kami kon magsulat ka sa amon. Mamangkot ka kon may mga butang nga buot mo mahibalo-an samtang nagatuon sini nga kurso. Ipadala ini sa ICI, Philippine National Office, P.O. Box 1084, Manila.